

王湘綺先生全集

七言歌行卷第三

唐詩選弟九

長沙湘潭王闓運字壬父撰

序目

岑參二十二首 高適一十九首 杜甫六十九首
畢曜一首 王季友四首 嚴武一首 劉長卿四
首 李嘉祐一首 常建二首 張潮一首 元結
四首 韓翃二首 錢起一首 郎士元一首 韋
應物二首 崔元翰一首 武元衡一首 楊巨源
一首 李渤一首 李德裕一首 李涉一十首
右錄二十一人詩百四十九首

職方郎中兼侍御史南陽岑參

青門歌送東臺張判官

青門金鎖平旦開城頭日出使車回青門柳枝正堪折
路旁一日幾人別東出青門路不窮驛樓官樹灞陵東
花撲征衣看似繡雲隨去馬色疑驄胡姬酒壚日未午
絲繩玉缸酒如乳灞頭落花沒馬蹏昨夜微雨花成泥
黃鸝翅溼飛屢低關東尺書醉懶題須臾望君不可見
揚鞭飛鞚疾於箭借問使乎何時來莫作東飛伯勞西

飛燕

梁園歌送河南王說判官

君不見梁孝王修竹園頽牆隱麟勢仍存嬌蛾慢臉成
艸蔓羅帷珠簾空竹根大梁一旦人代改秋月春風不
相待池中幾度雁新來洲上千年鶴應在梁園二月黎
花飛卻似梁王雪下時當時置酒延枚叟肯料平臺狐
兔走萬事翻覆如浮雲昔人空在今人口單父古來稱
宓生祇今爲政有吾兄輜軒若過梁園道應傍琴臺聞
政聲

白雪歌送武判官歸京

北風捲地百艸折胡天八月卽飛雪忽如一夜春風來
千樹萬樹梨花開散入珠簾溼羅幙狐裘不煖錦衾薄

將軍角弓不得控都護鐵衣冷難著瀚海闌干百丈冰
愁雲慘淡萬里凝中軍置酒飲歸客胡琴琵琶與羌笛
紛紛暮雪下轅門風掣紅旗凍不翻輪臺東門送君去
去時雪滿天山路山回路轉不見君雪上空留馬行處
走馬川行奉送出師西征

君不見走馬川行雪海邊平沙莽莽黃入天輪臺九月
風夜吼一川碎石大如斗隨風滿地石亂走匈奴艸黃
馬正肥金山西見煙塵飛漢家大將西出師將軍金甲
夜不脫半夜軍行戈相撥風頭如刀面如割馬毛帶雪
汗氣蒸五花連錢旋作冰幙中草檄硯水凝虜騎聞之

應膽懾料知短兵不敢接車師西門佇獻捷

輪臺歌奉送封大夫出師西征

輪臺城頭夜吹角輪臺城北旄頭落羽書昨夜過渠黎
單于已在金山西戍樓西望煙塵黑漢兵屯在輪臺北
上將擁旄西出征平明吹笛大軍行四邊伐鼓雪海涌
三軍大呼陰山動虜塞兵氣連雲屯戰場白骨纏草根
劍河風急雲片闊沙口石凍馬蹶脫亞相勤王甘苦辛
誓將報主靜邊塵古來青史誰不見今見功名勝古人
天山雪歌送蕭治歸京

天山有雪常不開千峯萬嶺雪崔嵬北風夜卷赤亭口

一夜天山雪更厚能兼漢月照銀山復逐胡風過鐵關
交河城邊飛鳥絕輪臺路上馬蹏滑晝靄寒氛萬里凝
闌干陰崖千丈冰將軍狐裘臥不煖都護寶刀凍欲斷
正是天山雪下時送君走馬歸京師雪中何以贈君別
惟有青青松樹枝

函谷關歌送劉評事使關西

君不見函谷關崩城毀壁至今在樹根艸蔓遮古道空
谷千年長不改寂寞無人空舊山聖朝無外不須關白
馬公孫何處去青牛老人更不還蒼苔白骨空滿地月
與古時長相似野花不省見行人山鳥何曾識關吏故

人方乘使者車吾知郭丹卻不如請君時憶關外客行
到關西多致書

與獨孤漸道別長句兼呈嚴八侍御

輪臺客舍春艸滿潁陽歸客腸堪斷窮荒絕漠鳥不飛
萬磧千山寢猶懶憐君白面一書生讀書千卷未成名
五侯貴門腳不到數畝山田身自耕興來浪迹無遠近
及至辭家憶鄉信無事垂鞭信馬頭西南幾欲窮天盡
奉使三年獨未歸邊頭詞客舊來稀借問君來得幾日
到家不覺換春衣高齋清晝捲帷幙紗帽接羈慵不著
中酒朝眠日色高彈棋夜半燈花落冰片高堆金錯盤

滿堂凜凜五月寒桂林蒲萄新吐蔓武城刺蜜未可餐
軍中置酒夜搗鼓錦筵紅燭月未午花門將軍善胡歌
葉河蕃王能漢語知爾園林壓渭濱夫人堂上泣羅裙
魚龍川北盤谿雨烏鼠山西洮水雲臺中嚴公於我厚
別後新詩滿人口自憐棄置天西頭因君爲問相思否
送費子歸武昌

漢陽歸客悲秋艸旅舍葉飛愁不埽秋來倍憶武昌魚
癯著只在巴陵道曾隨上將過祈連離家十年恆在邊
劍鋒可惜虛用盡馬蹏無事今已穿知君開館常愛客
携蒲白金每一擲平生有錢將與人江上故園空四壁

吾觀費子毛骨奇廣眉大口仍赤髭看君失路尙如此
人生貴賤那得知高秋八月歸南楚東門一壺聊出祖
路指鳳皇山北雲衣霑鸚鵡洲邊雨勿歎蹉跎白髮新
應須守道勿羞貧男兒何必戀妻子莫向江邨老卻人
涼州館中與諸判官夜集

彎彎月出挂城頭城頭月出照涼州涼州七里十萬家
胡人半解彈琵琶琵琶一曲腸堪斷風蕭蕭兮夜漫漫
河西幕中多故人故人別來三五春花門樓前見秋艸
豈能貧賤相看老一生大笑能幾回斗酒相逢須醉倒
偃師東與韓樽同詣景雲暉上人卽事

山陰老僧解楞伽
潁陽歸客遠相過
煙淡艸溼昨夜雨
雨後秋風渡漕河
空山終日塵事少
平郊遠見行人小
尙書磧上黃昏鐘
別駕渡頭一歸鳥

喜韓樽相過

三月灞陵春已老
故人相逢耐醉倒
甕頭春酒黃花脂
祿米只充沽酒貲
長安城中足年少
獨共韓侯開口笑
桃花點地紅斑斑
有酒畱君且莫還
與君兄弟日攜手
世上虛名好是閒

太白胡僧歌

并序

太白中峯絕頂有胡僧
不知幾百歲
眉長數寸身不

製繒帛衣以艸葉恆持楞伽經雲壁迴絕人迹罕到
嘗東峯有鬪虎弱者將死僧杖而解之西湫有毒龍
久而爲患僧器而貯之商山趙叟前年采伏苓淡入
太白偶值此僧訪我而說予恆有獨往之意聞而悅
之乃爲歌曰

聞有胡僧在太白蘭若去天三百尺一持楞伽入中峯
世人難見但聞鐘窗邊錫杖解兩虎牀下鉢盂藏一龍
艸衣不鍼復不線兩耳垂肩眉覆面此僧年幾那得知
手種青松今十圍心隨流水同清淨身與浮雲無是非
商山老人已曾識願一見之何由得山中有僧人不知

城裏看山空黛色

衛節度赤驃馬歌

君家赤驃畫不得一團旋風桃花色紅纓紫鞵珊瑚鞭
玉鞍錦韉黃金勒請君韉出看君騎尾長牽地如紅絲
自矜諸馬皆不及卻憶百金新買時香街紫陌鳳城內
滿城見者誰不愛揚鞭驟急白汗流弄影行驕碧蹠碎
紫髯胡雛金剪刀平明剪出三髮高櫪上看時獨意氣
眾中牽出偏雄豪騎將獵向南山口城南狐兔不復有
艸頭一點疾如飛卻使蒼鷹翻向後憶昨看君朝未央
鳴珂擁蓋滿路香始知邊將真富貴可憐人馬相輝光

男兒稱意得如此駿馬長鳴北風起待君東去埽胡塵
爲君一日行千里

裴將軍宅蘆管歌

遼東九月蘆葉斷遼東水兒采蘆管可憐新管清且悲
一曲風飄海頭滿海樹蕭索天雨霜管聲寥亮月蒼蒼
白狼河北堪愁恨元菟城南皆斷腸遼東將軍長安宅
美人蘆管會佳客弄調啾飈勝洞簫發聲窈窕欺橫笛
夜半高堂客未回祇將蘆管送君杯巧能陌上驚楊柳
復向園中誤落梅諸客愛之聽未足高捲珠簾列紅燭
將軍醉舞不肯休更使美人歌一曲

玉門關蓋將軍歌

蓋將軍真丈夫行年三十執金吾身長七尺頗有鬢玉
門關城迴且孤黃沙萬里白艸枯南鄰犬戎北接胡將
軍到來備不虞五千甲兵膽力麤軍中無事但歡娛煖
屋繡簾紅地爐織成壁衣花毳毼燈前侍婢瀉玉壺金
鎗亂點野駝酥紫紱金章左右趨問著只是蒼頭奴美
人一雙閑且都朱唇翠眉映明矐清歌一曲世所無今
日喜聞鳳將雛可憐絕勝秦羅敷使君五馬謾踟躕野
艸繡窠紫羅襦紅牙縷馬對擣菹玉盤纖手撒作盧眾
中誇道不曾輸櫪上昂昂皆駿駒桃花此撥價最殊騎

將獵向城南隅臘日射殺千年狐我來塞外按邊儲爲
君取醉酒剩沽醉爭酒盞相喧呼忽憶咸陽舊酒徒

西亭子送李司馬

高高亭子郡城西直上千尺與雲齊盤崖緣壁試攀躋
羣山向下飛鳥低使君五馬天半嘶絲繩玉壺爲君提
坐來一望無端倪紅花綠柳鬻亂嘯千家萬井連回谿
酒行未醉聞暮雞點筆操紙爲君題爲君題惜解攜艸
萋萋沒馬蹏

漁父

扁舟滄浪叟心與滄浪清不自道鄉里無人知姓名朝

從灘上飯莫向蘆中宿歌竟還復歌手持一竿竹竿頭
釣絲長丈餘鼓棹乘流無定居世人那得識淡意此翁
取適非取魚

登古鄴城

下馬登鄴城城空復何見東風吹野火暮入飛雲殿城
隅南對望靈臺漳水東流不復回武帝宮中人去盡年
年春色爲誰來

感遇

北山有芳杜靡靡花正發未及得采之秋風忽吹殺君
不見拂雲百丈青松柯縱使秋風無奈何四時常作青

黛色可憐杜花不相識

送郭又禩言

地上青艸出經冬今始歸博陵無近信猶未換春衣憐
汝不忍別送汝上酒樓初行莫早發且宿灞橋頭功名
須及早歲月莫虛擲早年已工詩近日兼注易何時過
東洛早晚渡盟津朝歌城邊柳驛地邯鄲道上花撲人
去年四月初我正在河朔曾上君家縣北樓樓上分明
見恆嶽中山明府待君來須計行程及早回到家速覓
長安使待汝書封我自開

送魏升卿擢第歸東都因懷魏校書陸渾喬潭

井上梧桐雨灑亭卷秋風故人適戰勝匹馬歸山東問
君今年三十幾能使香名滿人耳君不見三峯直上五
千仞見君文章亦如此如君兄弟天下稀雄詞健筆皆
若飛將軍金印鞞紫綬御史鐵冠重繡衣喬生作尉別
來久因君爲問平安否魏侯校理復何如前日人來不
得書陸渾山下佳可賞蓬閣閒時日應往自料青雲未
有期誰知白髮偏能長壚頭青絲白玉瓶別時相顧酒
如傾搖鞭舉袂忽不見千樹萬樹空蟬鳴

散騎常侍渤海縣侯贈禮部尙書謚忠樾高適字達
夫

秋胡行

妾本邯鄲未嫁時容華綺翠人未知一朝結髮從君子
將妾迢迢東魯陸時逢大道無艱阻君方游宦從陳汝
蕙樓獨臥頻度春彩閣辭君幾徂暑三月垂楊蠶未眠
攜籠結侶南陌邊道逢行子不相識贈妾黃金買少年
妾家夫婿經離久寸心誓與長相守願言行路莫多情
道妾貞心在人口日暮蠶飢相命歸攜籠端飾來庭闈
勞心苦力終無恨所冀君恩卽可依聞說行人已歸止
乃是向來贈金子相看顏色不復言相顧懷慚有何已
從來自隱無疑背直爲君情也相會如何咫尺仍有情

況復迢迢千里外，誓將顧恩不顧身。念君此日赴河津，
莫道向來不得意，故欲畱規誡後人。

邯鄲少年行

邯鄲城南游俠子，自矜生長邯鄲裏。千場縱博家仍富，
幾度報讐身不死。宅中歌笑日紛紛，門外車馬常如雲。
未知肝膽向誰是，令人卻憶平原君。君不見今人交態
薄，黃金用盡還疎索。以茲感歎辭舊游，更於時事無所
求。且與少年飲美酒，往來射獵西山頭。

燕歌行

并序

開元二十六年，客有從御史大夫張公出塞而還者。

作燕歌行以示適感征戍之事因而和焉

漢家煙塵在東北漢將辭家破殘賊男兒本自重橫行
天子非常賜顏色撻金伐鼓下榆關旌旆逶迤碣石間
校尉羽書飛瀚海單于獵火照狼山山川蕭條極邊土
胡騎憑陵襍風雨戰士軍前半死生美人帳下猶歌舞
大漠窮秋塞艸腓孤城落日鬥兵稀身當恩遇恆輕敵
力盡關山未解圍鐵衣遠戍辛勤久玉筯應嘯別離後
少婦城南欲斷腸征人薊北空回首邊庭飄颻那可度
絕域蒼茫更何有殺氣三時作陣雲寒聲一夜傳刁斗
相看白刃血紛紛死節從來豈顧勳君不見沙場爭戰

苦至今猶憶李將軍

古歌行

君不見漢家三葉從代至高皇舊臣多富貴天子垂衣
方晏如廟堂拱手無餘議蒼生偃臥休征戰露臺百金
以爲費田舍老翁不出門洛陽少年莫論事

畱別鄭三韋九兼洛下諸公

憶昨相逢論久要顧君哂我輕常調羈旅雖同白社游
詩書已作青雲料蹇質蹉跎竟不成年過四十尙躬耕
長歌達者杯中物大笑前人身後名幸逢明盛多招隱
高山大澤徵求盡此時亦得辭漁樵青袍裹身荷聖朝

犁牛釣竿不復見縣人邑吏來相邀遠路鳴蟬秋興發
華堂美酒離憂銷不知何日更攜手應念茲晨去折腰
送渾將軍出塞

將軍族貴兵且彊漢家已是渾邪王子孫相承在朝野
至今部曲燕支下控弭盡用陰山兒登陣常騎大宛馬
銀鞍玉勒繡螭弧每逐嫖姚過骨都李廣從來先將士
衛青未肯學孫吳傳有沙場千萬騎昨日邊庭羽書至
城頭畫角三四聲匣裏寶刀晝夜鳴意氣能甘萬里去
辛勤動作一年行黃雲白艸無前後朝建旌旗夕刁斗
塞下應多俠少年關西不見春楊柳從軍借問所從誰

擊劍酣歌當此時遠別無輕繞朝策平戎早寄仲宣詩
封邱作

我本漁樵孟諸野一生自是悠悠者乍可狂歌艸澤中
甯堪作吏風塵下祇言小邑無所爲公門百事皆有期
拜迎長官心欲碎鞭撻黎庶令人悲歸來向家問妻子
舉家盡笑今如此生事應須南畝田世情付與東流水
癡想舊山安在哉爲銜君命且遲回乃知梅福徒爲爾
轉憶陶潛歸去來

別韋參軍

二十解書劍西游長安城舉頭望君門屈指取公卿國

風冲融邁三五朝庭歡樂彌寰宇白壁皆言賜近臣布
衣不得干明主歸來洛陽無附郭東過梁宋非吾土兔
苑爲農歲不登雁池垂釣心長苦世人遇我同眾人唯
君於我最相親且喜百年有交態未嘗一日辭家貧彈
琴擊筑白日晚縱酒高歌楊柳春歡娛未盡分散去使
我惆悵驚心神丈夫不作兒女別臨歧涕淚霑衣巾
平臺夜遇李景參有別

離心忽浩然策馬對秋天孟諸薄莫涼風起歸客相逢
渡睢水昨時攜手已十年今日分途各千里歲物蕭條
滿路歧此行浩蕩令人悲家貧羨爾有微祿欲往從之

何所之

崔司錄宅燕大理李卿

多雨殊未已秋雲更沈沈
洛陽故人初解印山東小吏
來相尋上卿才大名不朽
早朝至尊莫求友豁達常推
海內賢殷勤但酌樽中酒
飲醉欲言歸剡溪門前駟馬
光照衣路傍觀者徒啣啣
我公不以爲是非

送楊山人歸嵩陽

不到嵩陽近十年舊時心事已徒然
一二故人不復見三十六峯猶眼前
夷門二月柳條色流鶯數聲淚霑臆
鑿井耕田不我招知君以此忘帝力
山人好去嵩陽路

惟余眷眷長相憶

贈別晉三處士

有人家住清河源
渡河問我游梁園
手持道經注已畢
心知內篇口不言
盧門十年見秋艸
此心惆悵誰能道
知己從來不易知
慕君爲人與君好
別時九月桑葉疎
出門千里無行車
愛君且欲君先達
今上求賢早上書
漁父歌

曲岸淡潭一山叟
駐眼看鉤不移手
世人欲得知姓名
良久問他不開口
筍皮笠子荷葉衣
心無所營守釣磯
料得孤舟無定止
日莫持竿何處歸

賦得還山吟送沈四山人

還山吟天高日暮寒山淡送君還山識君心人生老大
須恣意看君解作一生事山間偃仰無不至石泉淙淙
若風雨桂花松子常滿地賣藥囊中應有錢還山服藥
又長年白雲勸盡杯中物明月相隨何處眠眠時憶問
醒時事寢魂可以相周旋

送別

昨夜離心正鬱陶三更白露西風高螢飛木落何淅瀝
此時寢見西歸客曙鐘寥亮三四聲東鄰嘶馬使人驚
攬衣出戶一相送唯見歸雲縱復橫

畫馬篇

同諸公宴睢陽李太守各賦一物

君侯櫪上驄貌在丹青中
馬毛連錢蹠鐵色圖畫光輝
驕玉勒馬行不動勢若來
權奇蹴踏無塵埃感茲絕代
稱妙手遂令談者不容口
麒麟獨步自可珍駑駘萬匹
知何有終未如他櫪上驄
載華轂騁飛鴻荷君翦拂與
君用一日千里如旋風

同鮮于洛陽於畢員外宅觀畫馬歌

知君愛鳴琴仍好千里馬
永日恆思單父中有時心到
宛城下遇客丹青天下才
白生胡雛控龍媒主人娛賓
畫障開只言騏驥西極來
半壁趨趨勢不住滿堂風飄

緜州
二五
川又歌行
颯然度家僮愕視欲先鞭
櫪馬驚嘶還屢顧始知物妙
皆可憐燕昭市駿豈徒然
縱令翦拂無所用猶勝駑駘
在眼前

題李別駕壁

去鄉不遠逢知己握手相歡得如此
禮樂遙傳魯伯禽
賓客爭過魏公子酒筵暮
榭明月上櫪馬長鳴春風起
一主稱意能幾人今日從君問終始

人日寄杜二拾遺

人日題詩寄艸堂遙憐故人思故鄉
柳條弄色不忍見
梅花滿枝空斷腸
身在南藩無所預
心懷百憂復千慮

今年人日空相憶
明年人日知何處
一臥東山三十春
豈知書劍老風塵
龍鍾還忝二千石
愧爾東西南北人
檢校工部員外郎襄陽杜甫字子美

兵車行

車麟麟馬蕭蕭
行人弓箭各在腰
耶孃妻子走相送
塵埃不見咸陽橋
牽衣頓足攔道哭
哭聲直上干雲霄
道旁過者問行人
行人但云點行頻
或從十五北防河
便至四十西營田
去時里正與裹頭
歸來頭白還戍邊
邊亭流血成海水
武皇開邊意未已
君不聞漢家山東二
百州
千村萬落生荆杞
縱有健婦把耒耜
禾生隴畝無

東西況復秦兵耐苦戰被驅不異犬與雞長者雖有問
役夫敢申恨且如今年冬未休關西卒縣官急索租租
稅從何出信知生男惡反是生女好生女猶得嫁比鄰
生男埋沒隨百艸君不見青海頭古來白骨無人收新
鬼煩冤舊鬼哭天陰雨溼聲啾啾

麗人行

三月三日天氣新長安水邊多麗人態濃意遠淑且眞
肌理細膩骨月勻繡羅衣裳照暮春蹙金孔雀銀麒麟
頭上何所有翠微盃葉垂鬢脣背後何所見珠壓腰極
穩稱身就中雲幙椒房親賜名大國號與秦紫駝之峯

出翠釜水精之盤行素鱗犀筋馱飫久未下鸞刀縷切
空紛綸黃門飛鞞不動塵御廚絡繹送八珍簫鼓哀吟
感鬼神賓從襍逡實要津後來鞍馬何逡巡當軒下馬
入錦茵楊花雪落覆白蘋青鳥飛去銜紅巾炙手可熱
勢絕倫慎莫近前丞相瞋

飲中八仙歌

知章騎馬似乘船眼花落井水底眠汝陽三斗始朝天
道逢麴車口流涎恨不移封向酒泉左相日興費萬錢
飲如長鯨吸百川銜杯樂聖稱避賢宗之瀟灑美少年
舉觴白眼望青天皎如玉樹臨風前蘇晉長齋繡佛前

醉中往往愛逃禪李白一斗詩百篇長安市上酒家眠
天子呼來不上船自稱臣是酒中仙張旭三杯艸聖傳
脫帽露頂王公前揮豪落紙如雲煙焦遂五斗方卓然
高談雄辨驚四筵

洗兵馬

中興諸將收山東捷書夜報清晝同河廣傳聞一葦過
胡危命在破竹中祇殘鄴城不日得獨任朔方無限功
京師皆騎汗血馬回紇餒肉蒲萄宮已喜皇威清海岱
常思仙仗過崆峒三年笛裏關山月萬國兵前艸木風
成王功大心轉小郭相謀淡古來少司徒清鑒縣明鏡

尙書氣與秋天杳二三豪俊爲時出整頓乾坤濟時了
東走無復憶鱸魚南飛覺有安巢鳥青春復隨冠冕入
紫禁正耐煙花遶鶴駕通宵鳳輦備雞鳴問寢龍樓曉
攀龍附鳳勢莫當天下盡化爲侯王汝等豈知蒙帝力
時來不得誇身強關中旣畱蕭丞相幙下復用張子房
張公一生江海客身長九尺鬢眉蒼徵起適遇風雲會
扶顛始知籌策良青袍白馬更何有後漢今周喜再昌
寸地尺天皆入貢奇祥異瑞爭來送不知何國致白環
復道諸山得銀甕隱士休歌紫芝曲詞人解撰河清頌
田家望望惜雨乾布穀處處催春種淇上健兒歸莫懶

城南思婦愁多寢安得壯士挽天河淨洗甲兵長不用
追酬故高蜀州人日見寄

並序

開文書帙中檢所遺忘因得故高常侍適往居在成都時
高任蜀州刺史人日相憶見寄詩淚灑行間讀終篇末自枉
詩已十餘年莫記存沒又六七年矣老病懷舊生意可知今
海內忘形故人獨漢中王瑀與昭州敬使君超先在愛而不
見情見乎詞大曆五年正月二十一日卻追酬高公此作因
寄王及敬弟

自枉蜀州人日作不意清詩久零落今晨散帙眼忽開
迸淚幽吟事如昨嗚呼壯士多慷慨合沓高名動寥廓

歎我悽悽求友篇感君鬱鬱匡時略錦里春光空瀾漫
瑤墀侍臣已冥寞瀟湘水國傍黿鼉鄂杜秋天失鷓鴣
東西南北更誰論白首扁舟病獨存遙拱北辰纏寇盜
欲傾東海洗乾坤邊塞西蕃最充斥衣冠南渡多崩奔
鼓瑟至今悲帝子曳裾何處覓王門文章曹植波瀾闊
服食劉安德業尊長笛誰能亂愁思昭州詞翰與招魂
哀王孫

長安城頭頭白烏夜飛延秋門上呼又向人家啄大屋
屋底達官走避胡金鞭斷折九馬舛骨月不得同馳驅
腰下寶玦青珊瑚可憐王孫泣路隅問之不肯道姓名

但道困苦乞爲奴已經百日竄荆棘身上無有完肌膚
高帝子孫盡隆準龍種自與常人殊豺狼在邑龍在野
王孫善保千金軀不敢長語臨交衢且爲王孫立斯須
昨夜東風吹血腥東來橐駝滿舊都朔方健兒好身手
昔何勇銳今何愚竊聞天子已傳位聖德北服南單于
花門勞面請雪恥慎勿出口他人狙哀哉王孫慎勿疏
五陵佳氣無時無

哀江頭

少陵野老吞聲哭春日潛行曲江曲江頭宮殿鎖千門
細柳新蒲爲誰綠憶昔霓旌下南苑苑中萬物生顏色

昭陽殿裏第一人同輦隨君侍君側輦前才人帶弓箭
白馬嚼齧黃金勒翻身向天仰射雲一笑正墜雙飛翼
明眸皓齒今何在血汗游魂歸不得清渭東流劍閣淡
太住彼此無消息人生有情淚霑臆江水江花豈終極
黃昏胡騎塵滿城欲往城南忘南北

悲青阪

我軍青阪在東門天寒飲馬太白窟黃頭奚兒日向西
數騎彎弓散馳突山雪河冰野蕭瑟青是烽煙白人骨
焉得附書與我軍忍待明年莫倉卒

憶昔二首

憶昔先皇巡朔方，千乘萬騎入咸陽。
陰山驕子汗血馬，長驅東胡胡走藏。
鄴城反覆不足怪，關中小兒壞紀綱。
張后不樂上爲忙，至今今上猶撥亂。
勞身焦思補四方，我昔近侍叨奉引。
出兵整肅不可當，爲畱猛士守未央。
致使岐雍防西羌，犬戎直來坐御牀。
百官跣足隨天王，願見北地傅介子。
老儒不用尙書郎。

憶昔開元全盛日，小邑猶藏萬家室。
稻米流脂粟米白，公私倉廩俱豐實。
九州道路無豺虎，遠行不勞吉日出。
齊紈魯縞車班班，男耕女桑不相失。
宮中聖人奏雲門，天下朋友皆膠漆。
百餘年間未災變，叔孫禮樂蕭何律。

豈聞一絹直萬錢有田耕種今流血洛陽宮殿燒焚盡
宗廟新除狐兔穴傷心不忍問耆舊復恐初從亂離說
小臣魯鈍無所能朝廷記識蒙祿秩周宣中興望我皇
灑血江漢身衰疾

漢陂行

岑參兄弟皆好奇攜我遠來游漢陂天地黯慘忽異色
波濤萬頃堆玻璃玻璃汗漫泛舟入事殊興極憂思集
鼉作鯨吞不復知惡風白浪嗟何及主人錦帆相爲開
舟子喜甚無氛埃鳧鷖散亂棹謳發絲管啁啾空翠來
沈竿續縵淡莫測菱葉荷花淨如拭宛在中流渤澥清

下歸無極終南黑半陂已南純浸山動影裊窅冲融間
船舫暝憂雲際寺水面月出藍田關此時驪龍亦吐珠
馮夷擊鼓羣龍趨湘妃漢女出歌舞金支翠旗光有無
咫尺但愁雷雨至蒼茫不曉神靈意少壯幾時奈老何
向來哀樂何其多

樂游園歌

樂游古園萃森爽煙絲碧艸萋萋長公子華筵勢最高
秦川對酒平如掌長生木瓢示眞率更調鞍馬狂歡賞
青春波浪芙蓉園白日雷霆夾城仗閶闔晴開誅蕩蕩
曲江翠幙排銀榜拂水低回舞袖翻綠雲清切歌聲上

卻憶年年人醉時只今未醉已先悲
數莖白髮那拋得百罰澗杯已不辭
聖朝亦知賤士醜一物但荷皇天慈
此身飲罷無歸處獨立蒼茫自詠詩

陪王侍御同登東山最高頂宴姚通泉
晚攜酒泛江

姚公美政誰與儔不減昔時陳太北
邑中上客有柱史多暇日陪驄馬游
東山高頂羅珍羞下顧城郭銷我憂
清江白日落欲盡復攜美人登綵舟
笛聲憤怨哀中流妙舞逶迤夜未休
燈前往往大魚出聽曲低昂如有求
三更風起寒浪涌取樂喧呼覺船重
滿空星河光破碎四坐賓客色不動
請公臨澗莫相違回船罷酒上馬歸

人生歡會豈有極無使霜露霑人衣

光祿阪行

山行落日下絕壁西望千山萬山赤樹枝有鳥亂鳴時
暝色無人獨歸客馬驚不憂溪谷墜草動只怕長弓射
安得更似開元中道路卽今多擁隔

送孔巢父謝病歸游江東兼呈李白

巢父掉頭不肯住東將入海隨煙霧詩卷長畱天地間
釣竿欲拂珊瑚樹溪山大澤龍蛇遠春寒野陰風景暮
蓬萊織女回雲車指點虛無是征路自是君身有仙骨
世人那得知其故惜君只欲苦畱富貴何如艸頭露

蔡侯靜者意有餘清夜置酒臨前除罷琴惆悵月照席
幾歲寄我空中書南尋禹穴見李白道甫問訊今何如
醉時歌贈廣文館博士鄭虔

諸公袞袞登臺省廣文先生官獨冷甲第紛紛馱梁肉
廣文先生飯不足先生有道出羲皇先生有才過屈宋
德尊一代常坎軻名垂萬古知何用杜陵野客人更蚩
被褐短窄鬢如絲日糴太倉五升米時赴鄭老同襟期
得錢卽相覓沽酒不復疑忘形到爾汝痛飲眞吾師清
夜沈沈動春酌燈前細雨檐華落但覺高歌有鬼神焉
知餓死填溝壑相如逸才親滌器子雲識字終投閣先

生早賦歸去來石田茅屋荒蒼苔儒術於我何有哉孔
北盜跖俱塵埃不須聞此意慘愴生前相遇且銜杯
醉歌行別從姪勤落第歸

陸機二十作文賦汝更小年能綴文總角艸書又神速
世上兒子徒紛紛驕驕作駒已汗血鷲鳥舉翮連青雲
詞源倒流三峽水筆陣獨埽千人軍只今年纔十六七
射策君門期第一舊穿楊葉眞自知暫蹶霜蹠未爲失
偶然擢秀非難取會見排風有毛質汝身已見唾成珠
汝伯何由髮如漆春光潭沲秦東亭渚蒲芽白水荇青
風吹客衣日杲杲樹攪離思花冥冥酒盡沙頭雙玉瓶

眾賓皆醉我獨醒乃知貧賤別更苦
吞聲躑躅涕淚零
魏將軍歌

將軍昔著從事衫鐵馬馳突重
兩銜被堅執銳略西極
崑崙月窟東嶄巖君門羽林萬
猛士惡若哮虎子所監
五年起家列霜戟一日過海收
風帆平生流輩徒蠢蠢
長安少年氣欲盡魏侯骨聳精
爽緊華嶽峯尖見秋隼
星躔寶校金盤陀夜騎天駟超
天河欖槍熒惑不敢動
翠蕤雲旂相蕩摩吾爲子起歌
都護酒闌插劍肝膽露
鉤陳蒼蒼元武暮萬歲千秋奉
明主臨江節士安足數
寄韓諫議

今我不樂思岳陽身欲奮飛病在牀美人娟娟隔秋水
濯足洞庭望八荒鴻飛冥冥日月白青楓葉赤天雨霜
玉京羣帝集北斗或騎麒麟翳鳳皇芙蓉旌旗煙霧落
影動倒影搖瀟湘星宮之君醉瓊漿羽人稀少不在旁
似聞昨者赤松子恐是漢代韓張良昔昔隨劉氏定長安
帷幄未改神慘傷國家成敗吾豈設色難腥腐餐楓香
周南畱滯古所惜南極老人應壽昌美人胡爲隔秋水
焉得置之貢玉堂

蘇端薛復筵簡薛華醉歌

文章有神交有道端復得之名譽早愛客滿堂盡豪俊

開筵上日思芳艸安得健步移遠梅亂插繁花向晴昊
千里猶殘舊冰雪百壺且試開懷抱垂老惡聞戰鼓悲
急觴爲緩憂心擣少年努力縱談笑看我形容已枯槁
坐中薛華善醉歌歌詞自作風格老近來海內爲長句
汝與山東李白好何劉沈謝力未工才兼鮑照愁絕倒
諸生頗盡新知樂萬事終傷不自保氣酣日落西風來
願吹野水添金杯如澆之酒常快意不知窮愁安在哉
忽憶雨時秋井塌古人白骨生青苔如何不飲令心哀
冬末以事之東都湖城東遇孟雲卿復歸劉顥宅宿宴
飲散因爲醉歌

疾風吹塵暗河縣行子隔手不相見湖城城東一開眼
駐馬偶識雲卿面向非劉顥爲地主懶回鞭轡成高宴
劉侯歡我攜客來置酒張燈促華饌且將款曲終今夕
休語艱難尙酣戰照室紅爐促曙光縈窗素月垂文練
天開地裂長安陌寒盡春生洛陽殿豈知驅車復同軌
可惜刻漏隨更箭人生會合不可常庭樹雞鳴淚如霰
短歌行贈王郎司直

王郎酒酣拔劍斫地歌莫哀我能拔爾抑塞磊落之奇
才豫章翻風白日動鯨魚跋浪滄溟開且脫佩劍休裘
回西得諸侯棹錦水欲向何門跋珠履仲宣樓頭春已淡

青眼高歌望吾子眼中之人吾老矣

戲作花卿歌

成都猛將有花卿學語小兒知姓名用如快鶻風火生
見賊唯多身始輕棉州刺史著柘黃我卿埽除卽日平
子璋鬪體血模糊手提擲還崔大夫李侯重有此節度
人道我卿絕世無旣稱絕世無天子何不喚取守京都
別李祕書始興寺所居

不見祕書心若失及見祕書失心疾安爲動主理固然
我獨覺子神充實重聞西方止觀經老身古寺風泠泠
妻兒待米且歸去他日杖藜來細聽

苦戰行

苦戰身歿馬將軍自云伏波之子孫干戈未定失壯士
使我歎息傷精魂去年江南討狂賊臨江把臂難再得
別時孤雲今不飛時獨看雲淚橫臆

折檻行

嗚呼房魏不復見秦王學士時難羨青衿胄子困泥塗
白馬將軍若雷電千載少似朱雲人至今折檻空嶙峋
婁公不語宋公語尙憶先皇容直臣

曲江三章章五句

曲江蕭條秋氣高菱荷枯折隨風濤游子空嗟垂二毛

白石素沙亦相蕩哀鴻獨叫求其曹

卽事非今亦非古長歌激越捎林莽比屋豪華固難數
吾人甘作心似灰弟姪何傷淚如雨

自斷此生休問天杜曲幸有桑麻田故將移住南山邊
短衣匹馬隨李廣看射猛虎終殘年

乾元中寓居同谷縣作歌七首

有客有客字子美白頭亂髮垂過耳歲捨橡栗隨狙公
天寒日暮山谷裏中原無書歸不得手腳凍皴皮肉舂
嗚呼一歌兮歌已哀悲風爲我從天來

長鑱長鑱白木柄我生託子以爲命黃精無苗山雪盛

短衣數挽不掩脛此時與子空歸來
男呻女吟四壁靜
嗚呼二歌兮歌始放鄰里爲我色惆悵

有弟有弟在遠方三人各瘦何人強
生別展轉不相見
胡塵暗天道路長東飛鴛鴦後鴉鵲
安得送我置汝旁
嗚呼三歌兮歌三發汝歸何處收兄骨

有妹有妹在鐘離良人早沒諸孤癡
長淮浪高蛟龍怒
十年不見來何時扁舟欲往箭滿眼
杳杳南國多旌旗
嗚呼四歌兮歌四奏林蠖爲我嘔清晝

四山多風溪水急寒雨颯颯枯樹溼
黃蒿古城雲不開
白狐跳梁黃狐立我生何爲在窮谷
中夜起坐萬感集

嗚呼五歌兮歌正長魂招不來歸故鄉

南有龍兮在山湫古木龍蓀枝相樛木葉黃落龍正蟄
蝮蛇東來水上游我行怪此安敢出拔劍欲斬且復休
嗚呼六歌兮歌思遲谿壑爲我回春姿

男兒生不成名身已老三年飢走荒山道長安卿相多
少年富貴應須致身早山中儒生舊相識但語夙昔傷
懷抱嗚呼七歌兮悄終曲仰視皇天白日速

秋雨歎三首

雨中百艸秋爛歠階下決明顏色鮮著葉滿枝翠羽蓋
開花無數黃金錢涼風蕭蕭吹汝急恐汝後時難獨立

堂上書生空白頭
臨風三嗅馨香泣

闌風長雨秋紛紛
四海八荒同一雲
公馬來牛不復辨
濁涇清渭何當分
禾頭生耳黍穗黑
農夫田婦無消息
城中斗米換衾裯
相許甯論兩相直

長安布衣誰比數
反鎖衡門守環堵
老夫不出長蓬蒿
稚子無憂走風雨
雨聲颼颼吹早寒
胡雁翅溼高飛難
秋來未曾見白日
泥污后土何時乾

歲晏行

歲云暮矣多北風
瀟湘洞庭白雪中
漁父天寒网罟凍
莫徭射雁鳴桑弓
去年米貴闕軍食
今年米賤大傷農

高馬達官厭酒肉此輩杼柚茅茨空楚人重魚不食烏
汝休枉殺南飛鴻況聞處處鬻男女割慈忍愛還租庸
往日用錢捉私鑄今來鉛錫和青銅刻泥爲之最易得
好惡不合長相蒙萬國城頭吹畫角此曲哀怨何時終
奉先劉少府新畫山水障歌

堂上不合生楓樹怪底江山起煙霧聞君掃卻赤縣圖
乘興遣畫滄州趣畫師亦無數好手不可遇對此融心
神知君重豪素豈但祁岳與鄭虔筆迹遠過楊契丹得
非元圃裂無乃瀟湘翻悄然坐我天姥下耳邊已似聞
清猿反思前夜風雨急乃是蒲城鬼神入元氣淋漓障

猶溼眞宰上訴天應泣野亭春還襍花遠漁翁暝踏孤
舟立滄浪水淡青溟闊欹岸側島秋毫末不見湘妃鼓
瑟時至今斑竹臨江活劉侯天機精愛畫入骨髓自有
兩兒郎揮灑亦莫比大兒聰明到能添老樹顛崖裏小
兒心孔開貌得山僧及童子若邪溪雲門寺吾獨胡爲
在泥滓青鞵布鞵從此始

戲題畫山水圖歌

十日畫一水五日畫一石能事不受相促迫王宰始肯
畱眞迹壯哉崑崙方壺圖挂君高堂之素壁巴陵洞庭
日本東赤岸水與銀河通中有雲氣隨飛龍舟人漁子

入浦澈山木盡亞洪濤風尤工遠勢古莫比咫尺應須
論萬里焉得并州快剪刀剪取吳淞半江水

古柏行

孔明廟前有老柏柯如青銅根如石霜皮漚雨四十圍
黛色參天二千尺君臣已與時際會樹木猶爲人愛惜
雲來氣接巫峽長月出寒通雪山白憶昨路遶錦亭東
先主武侯同闕宮崔嵬枝榦郊原古窈窕丹青戶牖空
落落盤據雖得地冥冥孤高多烈風扶持自是神明力
正直原因造化功大廈如傾要梁棟萬牛回首北山重
不露文章世已驚未辭翦伐誰能送苦心豈免容螻蟻

香葉終經宿鸞鳳志士幽人莫怨嗟古來材大難爲用
題李尊師松樹障子歌

老夫清晨梳白頭元都道士來相訪握髮呼兒延入戶
手提新畫青松障障子松林靜杳冥憑軒忽若無丹青
陰崖卻承霜雪榦偃蓋反走虬龍形老夫平生好奇古
對此興與精靈聚已知仙客意相親更覺良工心獨苦
松下丈人巾履同偶坐似是商山翁悵望聊歌紫芝曲
時危慘淡來悲風

戲爲雙松圖歌

天下幾人畫古松畢宏已老韋偃少絕筆長風起織末

滿堂動色嗟神妙兩株慘裂苔蘚皮屈鐵盤錯迴高枝
白摧朽骨龍虎歿黑入太陰雷雨垂松根胡僧憩寂寞
龐眉皓首無住著偏袒右肩露雙腳葉裏松子僧前落
韋侯韋侯數相見我有一匹好東絹重之不減錦繡段
已令拂拭光凌亂請君放筆爲直榦

海櫻行

左綿公館清江濱海櫻一株高入雲龍鱗犀甲相錯落
蒼稜白皮十抱文自是眾木亂紛紛海櫻焉知身出羣
移栽北辰不可得時有西域胡僧識

歎庭前甘菊花

庭前甘菊移時晚青縈重陽不堪摘明日蕭條醉盡醒
殘花瀾漫開何益籬邊野外多眾芳采擷細瑣升中堂
念茲長大空枝葉結根失所纏風霜

風雨看舟前落花戲爲新句

江上人家桃李枝春寒細雨出疏籬影遭碧水潛句引
風如紅花卻倒吹吹花困懶傍舟楫水光風力俱相恹
生憎輕薄遮入懷珍重分明不來接溼久飛遲半欲高
縈沙惹艸細如毛蜜蜂蝴蝶生情性偷眼蜻蜓避伯勞
高都護驄馬行

安西都護胡青驄聲價歛然來向東此馬臨陣久無敵

與人一心成大功功成惠養隨所致飄飄遠自流沙至
雄姿未受伏櫪恩猛氣猶思戰場利腕促蹠高如踏鐵
交河幾蹴層冰裂五花散作雲滿身萬里方看汗流血
長安壯兒不敢騎走過掣電傾城知青絲絡頭爲君老
何由卻出橫門道

驄馬行

太常梁卿勅賜馬也李鄧公愛而有之命甫製詩

鄧公馬癖人共知初得花驄大宛種夙昔傳聞思一見
牽來左右神皆竦雄姿逸態何嵒崕顧影驕嘶自矜寵
隅目青熒夾鏡縣肉髮礪礪連錢動朝來小試華軒下

未覺千金滿高價赤汗微生白雪毛銀鞍卻覆香羅帕
卿家舊賜公取之天廐真龍此其亞朝洗須騰涇渭淡
夕趨可馭幽并夜吾聞良驥老始成此馬數年人更驚
豈有四躡疾如鳥不與八駿俱先鳴時俗造次那得致
雲霧晦冥方降精近聞下詔喧都邑肯使麒麟地上行
韋諷錄事宅觀曹將軍畫馬圖

國初已來畫鞍馬神妙獨數江都王將軍得名三十載
人間又見真乘黃曾貌先帝照夜白龍池十日飛霹靂
內府殷紅馬腦盤婕妤好傳詔才人索盤賜將軍拜舞歸
輕紉細綺相追飛貴戚權門得筆迹始覺屏障生光輝

昔日太宗拳毛騮近時郭家師子花今之新圖有二馬
復令識者久歎嗟此皆騎戰一敵萬縞素漠漠開風沙
其餘七匹亦殊絕迥若寒空動煙雪霜蹏蹴踏長楸間
馬官廝養森成列可憐九馬爭神駿顧視清高氣淡穩
借問苦心愛者誰後有韋諷前支遁憶昔巡幸新豐宮
翠華拂天來向東騰驤磊落三萬匹皆與此圖筋骨同
自從獻寶朝河宗無復射蛟江水中君不見金粟堆前
松柏裏龍媒去盡烏呼風

沙苑行

君不見左輔白沙如白水繚以周牆百餘里龍媒盡是

渥洼生汗血今稱獻于此苑中駉牝三千匹豐艸青青
寒不死食之豪健西域無每歲攻駒冠邊鄙王有虎臣
司苑門入門天廡皆雲屯驪驪一骨獨當御春秋二時
歸至尊至尊內外馬盈億伏櫪在垆空大存逸羣絕足
信殊傑倜儻權奇難具論纍纍埶阜藏奔突往往陂陀
縱超越角壯翻同麋鹿游浮淡簸蕩鼉鼉窟泉出巨魚
長比人丹沙作尾黃金鱗豈知異物同精氣雖未成龍
亦有神

天育驃圖歌

吾聞天子之馬走千里今之畫圖無乃是是何意態雄

且傑髮尾蕭梢朔風起毛爲綠縹兩耳黃眼有紫焰雙
瞳方矯矯龍性合變化卓立天骨森開張憶昔太僕張
景順監牧攻駒閱清駿遂令大奴守天育別養驥子憐
神俊當時四十萬匹馬張公歎其材盡下故獨寫真傳
世人見之坐右久更新年多物化空形影嗚呼健步無
由騁如今豈無腰裏與驂駟時無王良伯樂歟卽休
瘦馬行

東郊瘦馬使我傷骨骼硃兀如堵牆絆之不動轉欹側
此豈有意仍騰驤細看六印帶官字眾道三軍遺路旁
皮乾剝落襍泥滓毛暗蕭條連雪霜去歲奔波逐餘寇

驊駟不慣不得將士卒多騎內廢馬惆悵恐是病乘黃
當時厯塊誤一蹶委棄非汝能周防見人慘澹若哀訴
失主錯莫無晶光天寒遠放雁爲伴日暮不收烏啄瘡
誰人且養願終惠更試明年春艸長

王兵馬使二角鷹

悲臺蕭颯石籠崷哀壑杈枒浩呼洵中有萬里之長江
迴風陷日孤光動角鷹翻倒壯士臂將軍玉帳軒翠氣
二鷹猛腦繚徐墜目如愁胡視天地杉雞竹兔不自惜
溪虎野羊俱辟易韝上鋒棱十二翻將軍勇銳與之敵
將軍樹勳起安西崑崙虞泉入馬蹏白羽曾肉三狡猊

敢決豈不與之齊荆南芮公得將軍亦如角鷹下翔雲
惡鳥飛飛啄金屋安得爾輩開其羣驅出六合梟鸞分
杜鵑行

君不見昔日蜀天子化作杜鵑似老烏寄巢生子不自
啄羣鳥至今與哺雛雖同君臣有舊禮骨肉滿眼身羈
孤業工竄伏溪樹裏四月五月偏號呼其聲哀痛口流
血所訴何事常區區爾豈摧殘始發憤羞帶羽翮傷形
愚蒼天變化誰料得萬事反覆何所無萬事反覆何所
無豈憶當殿羣臣趨
縛雞行

小奴縛雞向市賣雞被縛急相喧爭家中厭雞食蟲蟻
不知雞賣還遭烹蟲雞於人何厚薄吾叱奴人解其縛
雞蟲得失無了時注目寒江倚山閣
赤霄行

孔雀未知牛有角渴飲寒泉逢觝觸赤霄元圃須往來
翠尾金花不辭辱江中淘河嚇飛燕銜泥卻落羞華屋
皇孫猶曾蓮勺困鮑莊見貶傷其足老翁慎莫怪少年
葛亮貴和書有篇丈夫垂名動萬年記憶細故非高賢
白鳧行

君不見黃鵠高於五尺童化爲白鳧似老翁故畦遺穗

已蕩盡天寒歲暮波濤中鱗介腥羶素不食終日忍飢
西復東魯門爰居亦蹭蹬聞道於今猶避風

朱鳳行

君不見瀟湘之山衡山高山顛朱鳳聲嗷嗷側身長願
求其曹翅垂口噤心甚勞下愍百鳥在羅網黃雀最小
猶難逃願分竹實及螻螳盡使鴟梟相怒號

冬狩行

君不見東川節度兵馬雄校獵亦似觀成功夜發猛士
三千人清晨合圍步驟同禽獸已斃十七八殺聲落日
回蒼穹幙前生致九青兕駝巖崕垂元熊東西南北

百里間髣髴蹴踏寒山空有鳥名鸚鵡力不能高飛逐
走蓬肉味不足登鼎俎何爲見羈虞羅中春蒐冬狩侯
得同使君五馬一馬驄況今攝行大將權號令頗有前
賢風飄然時危一老翁十年厭見旌旗紅喜君士卒甚
整肅爲我回轡禽西戎艸間狐兔盡何益天子不在咸
陽宮朝廷雖無幽王禍得不哀痛塵再蒙嗚呼得不哀
痛塵再蒙

觀打魚歌

絲州江水之東津魴魚鱖魚色勝銀漁人漾舟沈大網
截江一擁數百鱗眾魚常才盡卻棄赤鯉騰出如有神

潛龍無聲老蛟怒回風颯颯吹沙塵饕子左右揮霜刀
膾飛金盤白雪高徐州禿尾不足憶漢陰槎頭遠遯逃
魴魚肥美知第一旣飽歡娛亦蕭瑟君不見朝來割素
鬻咫尺波濤永相失

又觀打魚

滄江漁子清晨集設網提綱萬魚急能者操舟疾若風
撐突波濤挺叉入小魚脫漏不可記半舛半生猶戢戢
大魚傷損皆垂頭屈強泥沙有時立東津觀魚已再來
主人罷膾還傾杯日暮蛟龍改窟穴山根鱸鮪隨雲雷
干戈兵革鬥未止鳳凰麒麟安在哉吾徒胡爲縱此樂

暴殄天物聖所哀

丹青引贈曹將軍霸

將軍魏武之子孫於今爲庶爲清門英雄割據雖已矣
文采風流今尙存學書初學衛夫人但恨無過王右軍
丹青不知老將至富貴於我如浮雲開元之中常引見
承恩數上南薰殿凌煙功臣少顏色將軍下筆開生面
良相頭上進賢冠猛將腰間大羽箭褒公鄂公毛髮動
英姿颯爽來酣戰先帝天馬玉花驄畫工如山貌不同
是日牽來赤墀下迴立閭闔生長風詔謂將軍拂絹素
意匠慘淡經營中斯須九重眞龍出一洗萬古凡馬空

玉花卻在御榻上榻上庭前屹相向至尊含笑催賜金
圍人太僕皆惆悵弟子韓幹早入室亦能畫馬窮殊相
幹惟畫肉不畫骨忍使驂駟氣凋喪將軍善畫蓋有神
必逢佳士亦寫真卽今漂泊干戈際屢貌尋常行路人
途窮反遭俗眼白世上未有如公貧但看古來盛名下
終日坎壈纏其身

觀公孫大娘弟子舞劍器行

并序

大厯二年十月十九日夔府別駕元持宅見臨穎李
十二娘舞劍器壯其蔚跂問其所師曰余公孫大娘
弟子也開元五載余尙童穉記於郾城觀公孫氏舞

劍器渾脫瀏離頓挫獨出冠時自高頭宜春黎園二
教坊內人洎外供奉舞女曉是舞者聖文神武皇帝
初公孫一人而已玉貌錦衣況余白首今茲弟子亦
匪盛顏旣辨其由來知波瀾莫二撫事慷慨聊爲劍
器行往者吳人張旭善艸書書帖數常於鄴縣見公
孫大孃舞西河劍器自此艸書長進豪蕩感激卽公
孫可知矣

昔有佳人公孫氏一舞劍器動四方觀者如山色沮喪
天地爲之久低昂燿如羿射九日落矯如羣帝驂龍翔
來如雷霆收震怒罷如江海凝清光絳脣珠袖兩寂寞

晚有弟子傳芬芳臨穎美人在白帝妙舞此曲神揚揚
與余問答既有以感時撫事增惋傷先帝侍女八千人
公孫劍器初第一五十年間似反掌風塵瀕洞傾王室
黎園弟子散如煙女樂餘姿映寒日金粟堆南木已拱
瞿唐石城艸蕭瑟玳筵急管曲復終樂極哀來月東出
老夫不知其所往足繭荒山轉愁疾

李潮八分小篆歌

蒼頡鳥跡既茫昧字體變化如浮雲陳倉石鼓又已譌
大小二篆生八分秦有李斯漢蔡邕中間作者寂不聞
嶧山之碑野火焚棗木傳刻肥失真苦縣光和尙骨立

書貴瘦硬方通神惜哉李蔡不復得吾甥李潮下筆親
尚書韓擇木騎曹蔡有鄰開元已來數八分潮也奄有
二子成三人況潮小篆偏秦相快劍長戟森相向八分
一字直百金蛟龍盤挈肉屈強吳郡張顛誇艸書艸書
非古空雄壯豈如吾甥不流宕丞相中郎丈人行巴東
逢李潮逾月求我歌我今衰老才力薄潮乎潮乎奈汝

何

白絲行

繅絲須長不須白越羅蜀錦金粟尺象牀玉手亂殷紅
萬艸千花動凝碧已悲素質隨時染裂下鳴機色相射

美人細意慰帖平裁縫滅盡鍼綫迹春天衣著爲君舞
蛺蝶飛來黃鸝語落絮游絲亦有情隨風照日宜輕舉
香汗輕塵污顏色開新合故置何許君不見才士汲引難
恐懼棄捐忍羈旅

桃竹杖引贈章畱後

江心蟠石生桃竹蒼波噴浸尺度足斬根削皮如紫玉
江妃水仙惜不得梓潼使君開一束滿堂賓客皆歎息
憐我老病贈兩莖出入爪甲鏗有聲老夫復欲東南征
乘濤鼓枻白帝城路幽必爲鬼神奪拔劍或與蛟龍爭
重爲告曰杖兮杖兮爾之生也甚正直慎勿見水踊躍

學變化爲龍使我不得爾之扶持滅迹於君山湖上之
青峯噫風塵瀕洞兮豺虎齧人忽失雙杖兮吾將曷從
大覺高僧蘭若

巫山不見廬山遠松林蘭若秋風晚一老猶鳴日暮鐘
諸僧尙乞齋時飯香鑪峯色隱晴湖種杏仙家近白榆
飛錫去年嘒邑子獻花何日許門徒

閬山歌

閬州城東靈山白閬州城北玉臺碧松浮欲盡不盡雲
江動將崩未崩石那知根無鬼神會已覺氣與嵩華敵
中原格鬥且未歸應結茅齋著青壁

監察御史畢曜

古意

璇閨繡戶斜光入千金女兒倚門立橫波美目雖往來
羅袂遙遙不相及聞道今年初避人珊珊挂鏡長隨身
願得侍兒爲道意後堂羅帳一相親

河南王季友

代賀若令譽贈沈千運

相逢問姓名亦存別時無子今有孫山上雙松長不改
百家唯有三家村村南村西車馬道一宿通舟水浩浩
澗中磊磊十里石河上淤泥種桑麥平城冢墓皆我親

滿田主人是舊客舉聲酸鼻問同年十人六七歸下泉
分手如何更此地回頭不語淚漣然

酬李十六岐

鍊丹文武火未成賣藥販履俱逃名出谷迷行洛陽道
乘流醉臥滑臺城城下故人久離怨一歡適我兩家願
朝飲杖懸沽酒錢暮餐囊有松花飯二河車馬日憧憧
李膺門館爭登龍千賓揖對若流水五經發難如叩鐘
下筆新詩行滿壁立談古人坐在席問我草堂有臥雲
知我山儲無擔石自耕自刈食爲天如鹿如麋飲野泉
亦知世上公卿貴且養北中草木年

宿東溪李十五山亭

上山下山入山谷溪中落日畱我宿松石依依當主人
主人不在意亦足名花出地兩重階絕頂平天一小齋
本意由來是山水何用相逢話舊懷

觀于舍人壁畫山水

野人宿在人家少朝見此山謂山曉半壁仍棲嶺上雲
開簾欲放湖中鳥獨坐長松是阿誰再三招手起來遲
于公大笑向予說小弟丹青能爾爲

鄭國公檢校吏部尙書華州嚴武字季鷹

題巴州光福寺栴木

楚江長流對楚寺
枿木幽生赤崖背
臨溪插石盤老根
苔色青蒼山雨痕
高枝鬧葉鳥不度
半掩白雲朝復暮
香殿蕭條轉密陰
花龕滴瀝垂清露
聞道移根越水頭
煙生霽斂使人愁
月明忽憶湘川夜
猿叫還思鄂渚秋
看君幽靄幾千丈
寂寞窮山今遇賞
亦知鐘梵報黃昏
猶臥禪牀戀奇響

隨州刺史河間劉長卿字文房

時平後送范倫歸安州

昨聞戰罷圖麟閣
破虜收兵卷戎幕
滄海初看漢月明
紫微已見胡星落
憶昔扁舟此南渡
荆棘煙塵滿歸路

與君攜手姑蘇臺望鄉一日登幾回白雲飛鳥去寂寞
吳山楚岫空崔嵬事往時平還舊北青青春艸近家愁
洛陽舉目今誰在潁水無情應自流吳苑西人去欲稀
畱連一日空知非江潭歲盡愁不盡鴻雁春歸身未歸
萬里遙懸帝鄉憶五年空帶風塵色卻到長安逢故人
不道姓名應不識

疲兵篇

驕虜乘秋下薊門陰山日夕煙塵昏三軍疲馬力已盡
百戰殘兵功未論陣雲泱泱屯塞北羽書紛紛來不息
孤城望處增斷腸折劍看時可霑臆元戎日夕且歌舞

不念關山久辛苦自矜倚劍氣凌雲卻笑聞笳淚如雨
萬里飄飄空此身十年征戰老胡塵赤心報國無片賞
白首還家有幾人朔風蕭蕭動枯艸旌旗獵獵榆關道
漢月何曾照客心胡笳只解催人老軍前仍欲破重圍
閨裏猶應愁未歸小婦十年嗁夜織行人九月憶寒衣
飲馬滹河晚更清行吹羌笛遠歸營只恨漢家多苦戰
徒遺金鏃滿長城

明月灣尋賀九不遇

楚水日夜綠傍江春艸淡青青遙瀟目萬里傷歸心故
人川上復何之明月灣南空所思故人不在明月在誰

見孤舟來去時

戲贈干越尼子歌

鄱陽女子年十五家本秦人今在楚厭向春江空浣紗
龍宮落髮披袈裟五年持戒長一食至今猶自顏如花
亭亭獨立青蓮下忍艸禪枝繞精舍自用黃金買地居
能嫌碧玉隨人嫁北客相逢疑姓秦鉛花拋卻仍青春
一華一竹如有意不語不笑能畱人黃鸝欲棲白日暮
天香未散經行處卻對香鑪間誦經春泉漱玉寒泠泠
雲房寂寂夜鐘後吳音清切令人聽人聽吳音歌一曲
杳然如在諸天宿誰堪世事更相牽惆悵回船江水淥

袁州刺史趙州李嘉祐字從一

江上曲

江心澹澹芙蓉花江口蛾眉獨浣紗可憐應是陽臺女
對坐鸞鸞嬌不語掩面羞看北地人回身忽作空山語
蒼梧秋色不堪論千載依依帝子魂君看峯上斑斑竹
盡是湘妃泣淚痕

盱眙尉常建

古意

井底玉冰洞地明琥珀鹿盧青絲索仙人騎鳳披彩霞
挽上銀瓶照天閣黃金作身雙飛龍口銜明月噴芙蓉

一時渡海望不見曉上青樓十二重

古興

鹿盧井上雙梧桐飛鳥銜花日將沒
溪閨女兒莫愁年
玉指泠泠怨金碧石榴裙
蛺蝶飛見人不語顰蛾眉
青絲素絲紅綠絲織成錦衾當爲誰

處士曲阿張潮

襄陽行

玉盤轉明珠君心無定準
昨見襄陽客賸說襄陽好
無盡襄漢水峴山垂漢水
東流風北吹只言一世長
嬌寵那悟今朝見別離
君渡清羌渚知人獨不語
妾見木棲

林憶君相思淡莫作雲間鴻離聲願儔侶尙如匣中劍
分形會同處是君婦識君情怨君恨君爲此行下牀一
宿不可保況乃萬里襄陽城襄陽傳近大隄北君到襄
陽莫回惑大隄諸女兒憐錢不憐德

容管經略使贈禮部侍郎河南元結字次山

無爲洞口作

無爲洞口春水滿無爲洞旁春雲白愛此踟躕不能去
令人悔作衣冠客洞旁山僧皆學禪無求無欲亦忘年
欲問其心不能問我到山中得無悶

說沔溪招退者

溪在江華縣

長松亭亭滿四山山間乳竇流清泉
洞溪正在此山裏
乳水松膏常灌田松膏乳水田肥
良稻苗如蒲米粒長
麩色如珈玉液酒酒熟猶聞松節香
溪邊老翁年幾許
長男頭白孫嫁女問言只食松田米
無藥無方向人語
浯溪石下多泉源盛暑大寒冬大温
屠蘇疑在水中石
洞溪一曲自當門吾今欲作洞溪翁
誰能住我舍西東
勿憚山溪與地僻羅浮尚有葛仙翁

宿丹崖翁宅

扁舟欲到瀧口湍春水湍瀧上水難投
竿來泊丹崖下
得與崖翁盡一歡丹崖之亭當石顛
破竹半山引寒泉

泉流掩映在木杪有若白鳥飛林間往往隨風作霧雨
溼人巾履滿庭前丹崖翁愛丹崖棄官幾年崖下家兒
孫棹船抱酒甕醉裏長歌揮釣車吾將求退與翁游學
翁歌醉在漁舟官吏隨人往未得卻望丹崖慚復羞

石魚湖上醉歌

并序

漫叟以公田米釀酒因休暇則載酒於湖上時取一
醉歡醉中據湖岸引臂向魚取酒使舫載之徧飲坐
者意疑倚巴北酌於君山之上諸子環洞庭而坐酒
舫泛泛然觸波濤而往來者乃作歌以長之

石魚湖似洞庭夏水欲滿君山青山爲尊水爲沼酒徒

歷歷坐洲島長風連日作大浪不能廢人運酒舫我持
長瓢坐巴北酌飲四坐以散愁

中書舍人南陽韓翃字君平

贈別上元主簿張著

上書一見平津侯劍笏斜趨秣陵尉朝垂綬帶迎遠客
暮鎖印囊飛小吏長樂花深萬井時同官無事有歸期
回船對酒三生渚繫馬焚香五願祠日日澄江帶山翠
綠芳都在經過地行人看射領軍堂游女題詩光宅寺
風流才調愛君偏此別相逢定幾年惆悵浮雲迷遠道
張侯樓上月娟娟

別汜水縣尉

未央宮殿開金鑰詔引賢良卷珠箔花間賜食近丹墀
煙裏揮毫對青閣萬年枝影轉斜光三道先成君激昂
谷永直言身不顧郗詵高第轉名香綠槐陰陰出關道
上有蟬聲下秋艸奴子平頭駿馬肥少年白晳登王畿
五侯客舍偏畱宿一縣人家爭看歸南向千峯北臨水
佳期賞地應窮此賦詩或送鄭行人舉酒常陪魏公子
自憐寂寞會君稀猶著前時博士衣我欲低眉問知己
若將無用廢東歸

尚書考功郎中吳興錢起字仲文

賦得青城山歌送楊杜二郎中赴蜀軍

蜀山西南千萬重，仙經最說青城峯。
青城嶽倚空碧，遠壓峩嶷吞劍壁。
錦屏雲起易成霞，玉洞花明不知夕。
星臺二妙逐王師，阮瑀軍書王粲詩。
日落蟬聲連玉笛，晴來山翠傍旌旗。
綠蘿春月營門近，知君對酒遙相思。
郢州刺史中山郎，士元字君胄。

塞下曲

寶刀塞下兒身經，百戰曾百勝。
壯心竟未嫖姚知，白艸山頭日初沒。
黃沙戍下悲笳發，蕭條夜靜邊風吹。
獨倚營門望秋月。

蘇州刺史長安韋應物

鼙鼓行

淮海生雲暮慘澹廣陵城頭鼙鼓暗寒聲坎坎風動邊
忽似孤城萬里絕四望無人煙又如虜騎截遼水胡馬
不食仰朔天坐中亦有燕趙士聞鼙不語客心死何況
鰥孤火絕無晨炊獨婦夜泣官有期

聽鶯曲

東方欲曙花冥冥嘒鶯相喚亦可聽乍去乍來時近遠
纔聞南陌又東城忽似上林翻下苑綿綿蠻蠻如有情
欲嘯不嘯意自嬌羌兒弄笛曲未調前聲後聲不相及

秦女學箏指猶澀須臾風煖朝日敞流音變作百鳥喧
誰家懶婦驚殘牕何處愁人憶故園伯勞飛過聲局促
戴勝時下桑田綠不及流鶯日日嘯花間能使萬家春
意閒有時斷續聽不了飛去花枝猶嬝嬝還棲碧樹鎖
千門春漏方殘一聲曉

比部郎中博陵崔元翰名鵬

以字行

雜言奉和聖製至承光院見自生藤感其得地因以成
詠應制

新藤正可翫得地又逢時羅生密葉交綠蔓欲布清陰
垂紫蕤已帶朝光煖猶含輕露滋遙依千華殿稍上萬

年枝餘芳連桂樹積潤傍蓮池豈知幽谷無人見空覆
荒榛雜兔絲聖心對此應有感隱迹如斯誰復知懷賢
勞永歎比物賦新詩聘北園訪茅茨爲謝中林士王道
本無私

門下侍郎平章事贈司徒謚忠愍緱氏武元衡字伯
蒼

長安敘懷寄崔十五

延首直城西花飛綠艸齊迢遙隔山水悵望思游子百
轉黃鸝細雨中千條翠柳衡門裏門對長安九衢路愁
心不惜芳菲度風塵冉冉秋復春鐘鼓喧喧朝復暮漢

家宮闕在中天紫陌朝臣車馬連
蕭蕭霓旌合仙仗悠
悠劍佩入鑪煙李廣少時思報國
終軍未遇敢論邊無
媒守儒行榮悴紛相映家甚長卿
貧身多公幹病不知
身病竟如何懶向青山眠薜蘿雞
黍空多元伯惠琴書
不見子猷過超名累歲與君同白
歎還隨鷁退風聞說
唐生子孫在何當一爲問窮通

國子司業河中楊巨源字景山

大隄曲

二八嬋娟大隄女開壚相對依江渚
待客登樓向水看
邀郎卷幔臨花語細雨濛濛溼芰荷
巴東商侶挂帆多

自傳芳酒澆紅袖誰調妍妝向翠娥珍簾華燈夕陽後
當爐理瑟矜纖手月落星微五鼓聲春風搖蕩窗前柳
歲歲逢迎沙岸間北人多識綠雲鬟無端嫁與五陵少
離別煙波傷玉顏

長孫佐輔

古宮怨

窗前好樹名玫瑰去年花落今年開無情春色尙識返
君心忽斷何時來憶昔妝成候仙仗宮鎖玲瓏日新上
拊心卻笑西子顰掩鼻誰憂鄭姬謗草染文昌衣下履
花黏甲乙牀前帳三千玉貌休自誇十二金釵獨相向

盛衰傾奪欲何如，驕愛翻悲逐。佞諛重遠，豈能慚沼鵠。
棄前方見泣，船魚看籠不。記薰籠腦詠，扇空曾禿鼠鬢。
始喜類蘿新，託柏終傷如。薺卻甘茶院，淡獨開還獨閉。
鸚鵡驚飛，苔覆地滿箱，舊賜前日衣。漬枕新垂，夜來淚
痕多，開鏡照還悲。綠髻青蛾，尙未衰，莫道新縑長絕比。
猶逢故劍，會相追。

桂管觀察使洛陽李渤字濬之

喜弟淑再至爲長歌

前年別時秋，九月白露吹。霜金吹烈，離鴻一別影初分。
淚袖雙揮，心哽咽。別來幾度得音書，南嶽知闕□□□

廬山峩峩倚天碧，捧排空崖千萬尺。社榜長題高士名，
食室每記雲山迹。我本開雲此山住，偶爲名利相縈誤。
自負心機四十年，羞聞社客山中篇。憂時魂夢憶歸路，
覺來疑在林中眠。昨日亭前烏鵲喜，果得今朝爾來此。
吾吟行路五十篇，說盡江南數千里。自憐兄弟今五人，
共宮儒素家尙貧。雖然廩餼各不一，就中總免拘常倫。
長兄年少曾落拓，拔劍沙場隨衛霍。口裏雖談周孔文，
懷中不舍孫吳略。次兄一生能苦節，夏聚流螢冬映雪。
非論疾惡志如霜，更覺臨泉心似鐵。第三之兄更奇異，
昂昂獨負青雲志。下看金玉不如泥，肯道王侯身可貴。

卻愁清逸不干時高蹤大器無人知儻逢感激許然諾
必能萬古畱清規念爾年來方二十夙夜孜孜能獨立
卷中筆落星漢搖洞裏丹靈鬼神泣嗟余流浪心最狂
十年學劍逢時康心中不解事拘束世間談笑多相妨
廣海青山殊未足逢著高樓還醉宿朝走安公櫪上駒
暮偷陶令籬邊菊近來詩思殊無況苦被時流不相放
雲騰浪走勢未衰鶴膝蜂腰豈能障送爾爲文殊不識
貴從一一傳胸臆若到湖南見紫霄會須待我同攀陟
衛國公大尉貶崖州司戶參軍趙郡李德裕字文饒
南梁行和二十二兄

江南鬱鬱春艸長悠悠漢水浮清光雜英飛盡空和景
綠楊陰重官舍靜此時醉客縱橫書公言可薦承明廬
青天詔下寵光至頒籍金闈徵石渠重歸山路煙嵐隔
巫山未淡晚花折澗底紅光奪日然搖風有毒愁行客
杜鵑嗁咽花亦殷聲悲絕豔連空山斜陽瞥映淺淡樹
雲雨翻迷崖谷間山雞錦質矜毛羽透竹穿蘿命儔侶
喬木幽谷上下同雄雌不異飛棲處望秦峯迴過商顏
浪疊雲堆萬簇山行盡杳冥青障外九重鐘漏紫雲間
元和列侍光明殿諫艸初焚市朝變北闕趨臣半隙塵
南梁笑客皆飛霰追思感歎卻昏迷霜鬢愁吟到曉雞

故園歲淡開斷簡秋堂月曉掩遺袿嗚嗚曉角霞輝粲
撫劍當楹一長歎芻狗無由學聖賢空持感激終昏日

太學博士洛陽李涉

荆娘寫真

章華臺南莎草齊長河柳色連金隄青樓瞳矓曙光蚤
梨花滿巷鶯新嘯章臺玉顏年十六小來能唱西梁曲
教坊大使久知名郢上詞人歌不足少年才子心相許
夜夜高堂寢雲雨五銖香帔結同心三寸紅牋替傳語
綠池並戲雙鴛鴦田田翠葉紅蓮香百年恩愛兩相許
一夕不見生愁腸上清仙女徵游伴欲從湘靈住河漢

只愁陵谷變人寰空嘆桑田歸海岸願分精魄定形影
永似銀壺挂金井召得丹青絕世工寫真與身真相同
忽然相對兩不語疑是妝成來鏡中豈期人願天不違
雲輶卻住從山歸畫圖封裏寄箱篋洞房豔豔生光輝
良人翻作東飛翼卻遣江頭問消息經年不得一封書
翠幕雲屏遶空壁結客有少年名總身姓江征帆三千
里前月發豫章知我別時言識我馬上郎恨無羽翼飛
使我徒怨滄波長開篋取畫圖寄我形影與客將如今
憔悴不相似恐君重見生悲傷蒼梧九疑在何處斑斑
竹淚連瀟湘

與弟渤新羅劍歌

我有神劍異人與暗中往往精靈語識者知從東海來
來時一夜因風雨長河臨曉北斗殘秋水露背青螭寒
昨來大梁城下宿不借蹀跖光顏看刃邊颯颯塵沙缺
癥痕半是蛟龍血雷煥張華久已無沈寃知向何人說
我有愛弟都九江一條直氣今無雙青光好忝莫惆悵
必斬長鯨須少壯

醉中贈崔膺

與君兄弟匡嶺故與君相逢楊子渡白浪南分吳塞雲
綠楊淡入隋宮路隋家文物今雖改舞館歌臺基尙在

煬帝陵邊艸木深
汴河流水今歸海
古今悠悠人自別
此地繁華終未歇
大道青樓夾翠煙
瓊墀繡帳開明月
與君一言兩相許
外捨形骸中爾女
揚州歌酒不可追
洛神映箔湘妃語
白馬黃金爲身置
誰能獨羨他人醉
暫別香鑪一夕間
能展愁眉百年事
君看白日光如箭
一度別來顏色變
早謀侯印佩腰間
莫遣看花鬢如霰
寄河陽從事楊潛

憶昨天台尋石梁
赤城枕下看扶桑
金烏欲上海如血
翠色一點蓬萊光
安期先生不可見
蓬萊目極滄海長
回舟偶得風水便
煙帆數夕歸瀟湘
瀟湘水清巖嶂曲

夜宿朝游常不足一自無名身事閒五湖雲月偏相屬
進者恐不榮退者恐不淡魚游鳥逝兩相異彼此各有
遂生心身解耕耘妾能織歲宴飢寒免相逼稚子纔年
七歲餘漁樵一半分渠力吾友從軍在河上腰佩吳鉤
佐飛將偶與嵩山道士期西尋汴水來相訪見君顏色
猶憔悴知君未展心中事落日驅車出孟津高歌共歎
傷心地洛邑秦城少年別兩都陳事空聞說漢家天子
不東游古木行宮閉煙月洛濱老翁年八十西望殘陽
臨水泣自言生長開元中武皇恩化親霑及當時天下
無甲兵雖聞賦斂毫毛輕紅車翠蓋滿衢路洛中歡笑

爭逢迎一從戎馬來幽薊山谷虎狼無限制九重宮殿
閉豺狼萬國生人自相噬躑躅瘡痍今不平干戈南北
常縱橫中原膏血焦欲盡四郊貪將猶憑陵秦中豪寵
爭出羣巧將言智寬明君南山四皓不敢語渭上釣人
何足云君不見昔時槐柳八百里路旁五月清陰起只
今零落幾株殘枯根半死黃河水

六歎

并序

五噫四愁九歌七啟皆創文者立意之終紀其數而
名之也清江白雲孤山遠嶼皆得時之人吟咏性情
耳余無暇於是焉窮居歲陰偶懷無棕因追感聞見

成文六篇目曰六歎懼質文之不備復何全于比興
乎錄之私齋以示同道格韻枯缺多慚見知

綺羅香風翡翠車清明獨傍芙蓉渠上有雲鬟洞仙女
垂羅掩縠煙中語風月頻驚桃李時滄波久別鴛鴻侶
欲傳一札孤飛翼山長水遠無消息卻鎖重門一院淡
半夜空庭明月色

淡院梧桐夾金井上有鹿盧青絲索美人清晝汲寒泉
寒泉欲上銀瓶落迢迢碧甃千餘尺竟日倚闌空歎息
惆悵不來照明鏡卻掩洞房抱寂寂

蓬萊島邊采珠客西望人寰星漢隔千重疊浪聳雲高

萬里平沙連月白海中洞穴尋難極水底鮫人半相識
元蚌初開影暫明驪龍欲近威難偪辛苦風濤白首期
得珠卻恨求珠時隋侯沒世幾千載只今薄俗空嗤嗤
燕王愛賢築金臺四方豪傑乘風來秦王燒書殺儒客
肘腋之中千里隔去年八月幽并道昭王陵邊哭秋艸
今年二月游函關秦家城外悲河山河上山邊車馬路
殘日青煙五陵樹

漢臣一沒丁零塞牧羊西過陰沙外朝憑南雁信難回
夜望北辰心獨在漢家茅土橫九州高門長戟封王侯
但將鐘鼓悅私愛肯以犬羊爲國羞夜宿寒雲臥冰雪

嚴風觸刃垂旌節
丁年奉使白頭歸
泣盡李陵衣上血
關東病儒客梁城
五歲十回逢亂兵
燒人之家食人肉
狼虎熾心都未足
城裏愁雲晝不開
城頭野艸春還綠
五十餘年忠烈臣
臨難守節羞謀身
堂上英髦沈白刃
門前輿隸乘朱輪
千古傷心汴河水
陰天落日悲風起

七言歌行第三卷

少言短行三

門前驅車來求歸千古萬小打斷水歸天替日悲風城

五千鎗爭忠烈五高嶽守節羞其長堂上英雄淚白巾

不貴無心滌木奴為寡然健書不聞如題聖廟春景

即東向海客深如丘疑十回登樓共楚人又家舍人

遠風吹衣垂袖隨丁年未改白頭疑

唐詩選第九